



Broj: 05-05-29626/13 III
Sarajevo, 07.01.2014.godine

STRUČNA SLUŽBA ZA SKUPŠTINSKE POSLOVE

-ovdje-

PREDMET: Odgovor na poslaničko pitanje

Zastupnik Nabil Naser na 31. Radnoj sjednici Skupštine Kantona Sarajevo, održanoj 27.11.2013.godine, u okviru tačke Dnevnog reda "Zastupnička pitanja, inicijative i odgovori" u skladu sa Poslovníkom Skupštine Kantona Sarajevo, postavio je zastupničko pitanje, te isto dostavio u pisanom formi.

PITANJE:

"Nakon propale javne rasprave o izdavanju okolinske dozvole za spalionicu otpada na Stupu u vlasništvu firme "Grizelj", više od 3000 mještana ovog naselja potpisali su peticije da bi spriječili nastavak rada ovog postrojenja.

BiH je dobila sredstva od Međunarodne banke za obnovu i razvoj (EBRD) i Međunarodne agencije za razvoj (IDA) za realizaciju drugog projekta upravljanja čvrstim otpadom, kao i grant od Švedske međunarodne korporativne agencije za razvoj (SIDA) za potrebe općinskih programa za upravljanje čvrstim otpadom i znamo da je 2008.godine istekao rok do koga su u BiH morale biti zatvorene općinske deponije i transformirane u dijelove regionalnog centra za upravljanje otpadom ili gospodarenje otpadom.

Zeničko-dobojski kanton je dosada jedini koji ima savremeni regionalni centar za upravljanje otpadom.

Pitam resornog Ministra za prostorno uređenje i okoliš zašto Sarajevski Kanton još uvijek nema savremeni regionalni centar za upravljanje otpadom?

Takođe, molim Ministra da mi dostavi svu dokumentaciju sa kojom raspolaže Ministarstvo u vezi spalionica otpada na Stupu i da mi se dostavi sve što je resorni Ministar poduzeo radi zaštite mještana na Stupu obzirom da spaljivanje raznih vrsta otpada, među kojima su animalni, medicinski i farmaceutski, može ugroziti zdravlje ljudi i imati opasan uticaj na zrak, vodu i životni prostor."



ODGOVOR:

U zastupničkom pitanju zatraženi su odgovori oko planirane izgradnje spalionice otpada firme "Grizelj" na lokalitetu Stupa, kao i izjašnjenje u vezi sa upravljanjem komunalnim otpadom u Kantonu Sarajevo, uz navođenje primjera finansiranja ove oblasti iz različitih izvora u pojedinim područjima BiH.

Vezano za namjeravanu gradnju pogona za spaljivanje više vrsta otpada, prije svega animalnog i medicinskog, Federalno ministarstvo okoliša i turizma je donijelo Zaključak broj UPI 05/2-23-11-96-8/13 od 09.12.2013.godine o odbacivanju Zahtjeva za izdavanje okolinske dozvole za predmetnu gradnju, kao nepotpunog. U obrazloženju Zaključka upravo su navedeni razlozi koje je ovo Ministarstvo navelo, u svom dopisu broj 05-23-24016/13 od 27.09.2013.godine, pozivajući Federalno resorno ministarstvo, da zbog nepostojanja formalno-pravnih pretpostavki za vođenje predmetnog postupka, isti obustavi, kako se ne bi nepotrebno uznemiravala javnost.

Naime, upozorili smo, da Investitor nije mogao kompletirati zahtjev za izdavanje okolinske dozvole, budući da ne može priložiti dokaz o usklađenosti namjene pogona spalionice sa važećim Regulacionim planom "Stari Stup", kojim je utvrđeno šta se i pod kojim uslovima može na predmetnoj lokaciji graditi.

U prilogu dostavljamo dokumentaciju iz koje se može vidjeti kako je Ministarstvo reagovalo u konkretnom slučaju, a što je i traženo u inicijativi zastupnika.

Što se tiče upravljanja komunalnim otpadom u Kantonu Sarajevo, na koji se odnosi drugi dio zastupničkog pitanja, možemo konstatovati da je učinjen značajan iskorak izgradnjom Sanitarne deponije u Smiljevićima, na kojoj se odlaže otpad iz svih sarajevskih općina. Realizacija projekta izgradnje deponije je otpočela 1997.godine, a podrazumijevala je sanaciju ranije neuređenog odlagališta, te uspostavu savremenog sanitarnog odlaganja, čime su eliminisani ključni negativni uticaji na okoliš, kao što su zagađenje zemljišta i podzemnih voda, tretiranje deponijskog gasa i procjednih voda, neutralizacija neugodnih mirisa, onemogućavanje neovlaštenog pristupa, sprečavanje zapaljenja otpada i slično.

Izgradnja sanitarne deponije do sada je, uglavnom, finansirana budžetskim sredstvima (oko 20 miliona maraka), izuzev sredstava od 2 miliona \$ iz zajma Svjetske banke namijenjenog upravljanju čvrstim otpadom, a čiji je nosilac KJKP "Rad" Sarajevo. Na deponiji su, osim infrastrukture za sanitarno odlaganje (plohe sa PHD folijom, energana i baklja za spaljivanje gasova, prečištač otpadnih voda), do sada izgrađeni drugi prateći sadržaji, kao što je pogon za reciklažu otpada, finansiran dijelom iz grant sredstava Evropske unije i ostatkom koji je obezbijedio KJKP "Rad", koji upravlja lokacijom.

U ovom kontekstu, međutim moramo istaći, da je zbog izostanka kontinuiranog finansijskog ulaganja, neekonomske cijene, a dobrim dijelom i neiskorištavanjem korisnog otpada, došlo do stagnacije i usporavanja daljnjeg napretka u uspostavi savremenog sistema upravljanja komunalnim otpadom.

Trenutno stanje je opterećeno nedostatkom sanitarnih ploha za odlaganje, prevelikim količinama otpada, dotrajalom opremom i nedostatkom sredstava za održavanje izgrađene infrastrukture, kao i aktivnostima koje provodi SIPA-a na traženju nestalih lica.



I pored evidentnih problema ovo Ministarstvo, zajedno sa KJKP "Rad", ulaže napore na stabilizaciji i popravci stanja, prije svega kroz implementaciju grant sredstava od 1,5 milion eura osiguranih iz Programa predpristupne pomoći EU – IPA 2011 godine, koja je u toku. U tu svrhu obezbijedeni su projekti za izgradnju reciklažnog dvorišta, I fazu izgradnje inertnog odlagališta sa postrojenjem za reciklažu građevinskog otpada, izgradnju sanitarne površine od 15 000 m² za deponovanje otpada i nabavku i zamjenu dotrajale opreme. U funkciji razdvajanja odlaganja inertnog i građevinskog otpada od kućnog, što će se postići formiranjem nove deponijske površine, izvršeno je u 2013.godini djelimično rješavanje imovinsko-pravnih poslova, odnosno otkup zemljišta u vrijednosti od 200 000 KM. U ovu svrhu potrebno je planirati i dodatna sredstva, a efekti će biti brzo uočljivi, i posebno će se odraziti na racionalnije korištenje skupih sanitarnih ploha na kojima se sada nepotrebno odlaže nerazgradivi otpad.

Uporedo sa navedenim aktivnostima, koje će se intenzivirati u prvoj polovini ove godine, stvarane su i pretpostavke za pretvaranje deponije u Regionalni centar za upravljanje otpadom.

Naime, Federalnim planom za upravljanje otpadom je utvrđeno formiranje Regionalnog centra, na kojem će se tretirati otpad sa područja devet sarajevskih općina.

U Zakonu o upravljanju komunalnim otpadom, koji je ovo Ministarstvo izradilo još 2010.godine, takođe je predviđena uspostava Centra, iako Zakon nije još usvojen zbog problema sa usaglašavanjem sa Zakonom o lokalnoj samoupravi.

Iz gore navedenog se može zaključiti da se, neovisno od usvajanja Zakona, provode aktivnosti na formiranju Centra, za koji će trebati značajna finansijska ulaganja.

Konačna opredjeljenja Kantona Sarajevo u vezi sa komunalnim otpadom će biti jasno iskazana u Kantonalnom planu, koji je urađen u Nacrtu i koji će uskoro biti dostavljen Skupštini na usvajanje.

Opredjeljenja se, ukratko, sastoje u smanjivanju proizvodnje otpada, ponovnoj upotrebi, reciklaži i povratu materijala i energije, a biće implementirana kroz izgradnju nedostajuće infrastrukture, razvojem sistema selektiranja otpada na mjestu nastanka, te jačanjem ekološke svijesti korisnika.

MINISTAR

Zlatko Petrović, dipl.pravnik

Prilog:

- Dopis upućen Federalnom ministarstvu okoliša i turizma
- Odgovor Federalnog ministarstva okoliša i turizma
- Zaključak o obustavljanju postupka

Dostaviti:


- Naslovu
- Dokumentaciji
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA



Bosnia and Herzegovina
Federation of Bosnia and Herzegovina
FEDERAL MINISTRY OF
ENVIRONMENT AND TOURISM

Broj: UPI 05/2-23-11-96 -6 /13
Sarajevo, 09.10.2013. godine

Ministarstvo prostornog uređenja i zaštite okoliša, Kanton Sarajevo
Ul. Reisa Džemaludina Čauševića 1
Sarajevo

Bosna i Hercegovina
Federacija Bosne i Hercegovine
KANTON SARAJEVO

PRIJELAZNO: 17.10.2013			
Opis posla	Broj posla	Broj prijave	Broj prijave
05	23	24016	

Predmet: Izgradnja spalionice na području MZ Stup; - odgovor; - dostavlja se;

Poštovani,

U vezi vašeg dopisa broj 05-23-24016/13 III od 27.09.2013. godine kojim dajete svoje mišljenje i sugestije u postupku izdavanja okolinske dozvole za postrojenje spalionice otpada na području MZ Stup, Sarajevo, obavještavamo Vas slijedeće:

Zakon o Upravljanju otpadom u svojim odredbama nastoji da provede reforme u oblasti upravljanja otpadom i uređuje ovu problematiku u skladu sa EU zakonima. Ova reforma podrazumijeva ukratko da se kruti otpad pretvori u ekonomsku kategoriju. Zakonom o upravljanju otpadom otpad može da se koristi na tri načina:

- da se reciklira;
- termički obradi i iskoristi kao energent
- odlaže najmanji mogući dio na ekološki prihvatljiv način na regionalnim sanitarnim deponijama

S obzirom da se radi o postrojenju za spaljivanje otpada, nadležnost u rješavanju izdavanja svih neophodnih odobrenja i dozvola je na nivou organa uprave Federacije BiH.

Upravni postupak je pokrenut u skladu sa:

- Zakonom o zaštiti okoliša („Sl. novine FBiH“, broj 33/03),
- Zakonom o izmjenama i dopunama Zakona o zaštiti okoliša („Sl. novine FBiH“, broj Zakona o prostornom planiranju i korištenju zemljišta na nivou FBiH („Službene novine Federacije BiH“, br. 2/06 i 72/07),
- Zakona o upravljanju otpadom („Sl. novine FBiH“, broj 33/03),
- Zakona o izmjenama i dopunama Zakona o upravljanju otpadom („Sl. novine FBiH“, broj 72/09),
- Pravilnika o pogonima i postrojenjima za koje je obavezna procjena utjecaja na okoliš i pogonima i postrojenjima koji mogu biti izgrađeni i pušteni u rad samo ako imaju okolinsku dozvolu („Sl. novine FBiH“, broj 19/04), član 4.

Studija o procjeni utjecaja na okoliš urađena je od strane konsultanta - Metalurškog instituta „Kemal Kapetanović“ Zenica, koji je ovlašten za izradu istih i koji nalazi se na listi licenciranih od strane ovog Federalnog ministarstva) i dostavljena ovom ministarstvu na ocjenu 22.07.2013. godine.

Osim javne rasprave u postupku ocjene Studije o uticaju na okoliš, u skladu sa članom 59. Zakona o zaštiti okoliša („Sl. novine Federacije BiH“, br. 33/03) i članom 23. Zakona o izmjenama i dopunama zakona o zaštiti okoliša („Sl. novine Federacije BiH“, broj: 38/09) imenovana je Stručna komisija za ocjenu Studije o utjecaju na okoliš Rješenjem federalne ministricе br UPI 05/2-23-11-96/13 dana 02.09.2013.

Stručna komisija je sastavljena od stručnjaka - specijalista za ocjenu Studije sa aspekta zaštite okoliša u sljedećim relevantnim oblastima: voda, zrak, zemljište/tlo, hidrogeologija, otpad, buka, biodiverzitet, fauna, šume, kulturno-historijsko i prirodno nasljeđe.

Na temelju čl. 61 i 62 Zakona o zaštiti okoliša („Sl. novine FBiH“, broj 33/03 i 38/09) ovo federalno ministarstvo je organizovalo i održalo Javnu raspravu, u skladu sa čl.36. i 37. Zakona o zaštiti okoliša („Sl. novine Federacije BiH“, br.33/03 i 38/09), osiguralo sudjelovanje javnosti tako što je na uvid dostavilo Studiju o procjeni utjecaja na okoliš dostavljena na sljedeće adrese:

1. Općina Ilidža Služba za opće poslove (MZ, NVO)
2. Općina Ilidža Služba za prostorno uređenje i komunalne poslove

Osim toga, Studija o procjeni utjecaja na okoliš za izgradnju postrojenja za Eko Termički otpad ETIKI – 01 u Općini Ilidža, Sarajevo, je dostupna i na našem web sajtu: www.fmoit.gov.ba - link – javna rasprava od 14.8.2013.godine, radi davanja primjedbi i sugestija.

Da bi ovo federalno ministarstvo nastavilo upravni postupak, sagledat će se mišljenja svih zainteresovanih strana i Izvještaj stručne komisije.

Trenutne aktivnosti:

- Stručna komisija za ocjenu Studije o utjecaju na okoliš dostavila je svoje izvještaje, te s obzirom da je konstatovano **da ne zadovoljava uslove** propisane Pravilnikom o pogonima i postrojenjima za koje je obavezna procjena utjecaja na okoliš i pogonima i postrojenjima koji mogu biti izgrađeni i pušteni u rad samo ako imaju okolinsku dozvolu („Sl. novine FBiH“, broj 19/04), zatražene su dopune Studije o procjeni utjecaja na okoliš od strane investitora (rok 30 dana),
- opsim toga, ovo ministarstvo je zatražilo i stručno mišljenje Zavoda za planiranje razvoja Kantona Sarajevo, odnosno odgovor da li je dozvoljena gradnja navedenog objekta, koji se nalazi u neposrednoj blizini cca 30 m nalazi se veoma gusto stambeno naselje, vrtić i osnovna škola (dopis br. UP-I 05/2-23-11-96-1/13 od 25.9.2013. godine),
- mišljenje javnosti će biti obavezno uzeto u obzir prilikom donošenja konačne odluke.

S poštovanjem

MINISTARICA
Branka Đurić

Dostaviti

- Ministarstvo prostornog uređenja i zaštite okoliša Kantona Sarajevo
- Dokumentaciji
- Arhivi

Bosna i Hercegovina
Federacija Bosne i Hercegovine

KANTON SARAJEVO

Ministarstvo prostornog
uređenja i zaštite okoliša



Bosnia and Herzegovina
Federation of Bosnia and Herzegovina

CANTON SARAJEVO

Ministry of Physical Planning and
Environmental Protection

Broj: 05-23-24016/13 III
Sarajevo, 27.09.2013. godine

Federalno ministarstvo
okoliša i turizma
Marka Marulića br. 2
71000 Sarajevo

3.0-09-2013

PREDMET: Mišljenje i sugestije u postupku izdavanja okolinske dozvole za postrojenje za spaljivanje otpada na području MZ Stup, dostavlja se

Savjet Mjesne zajednice Stup - Sarajevo je dana 16.09.2013.godine uputio Kantonu Sarajevo, n/r Premijera Kantona, zaključke sa sjednice održane 05.09.2013.godine, a koji se odnose na protivljenje građana ove Mjesne zajednice izgradnji spalionice otpada po zahtjevu firme "Grizelj" d.o.o. Uz Zaključke je dostavljena i Peticija građana ovog mjesnog područja.

Takođe, i Općinsko Vijeće Ilidža je, na svojoj posljednjoj sjednici, izrazilo neslaganje sa namjerom obavljanja ove djelatnosti na području Mjesne zajednice Stup, te dalo punu podršku građanima u njihovim zahtjevima.

Osim toga, svoje negodovanje ovim povodom iznijeli su i pojedini zastupnici Skupštine Kantona Sarajevo, kao i predstavnici stručne javnosti i nevladinog sektora.

Budući da je Federalno ministarstvo okoliša i turizma propustilo svoju obavezu utvrđenu članom 58. Zakona o zaštiti okoliša ("Službene novine Federacije" br. 33/03 i 38/09), da ovom Ministarstvu dostavi podneseni Zahtjev za izdavanje okolinske dozvole zajedno sa prilogima, čime nam je uskraćena mogućnost blagovremenog reagovanja, koristimo ovu priliku da iznesemo naše mišljenje i sugestije.

Kako nismo raspolagali sa predmetnim Zahtjevom i pratećim prilogima, nije nam poznato da li je isti sadržavao Izvod iz planskog akta odnosno područja s ucrtanom legendom o namjeni površina širog područja i namjenama površine predmetne lokacije, kako je to propisano članom 54.a Zakona o zaštiti okoliša F BiH.

Ukoliko je uz Zahtjev priložen Izvod iz Izmjena i dopuna Regulacionog plana "Stari Stup" ("Službene novine Kantona Sarajevo broj 29/06), moglo se nedvosmisleno utvrditi, da se na predmetnoj lokaciji ne može obavljati tražena djelatnost, pa je samim tim bilo nepotrebno provoditi druge radnje u postupku, posebno organizirati javnu raspravu.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



Naime, prema važećem Regulacionom planu predmetna lokacija se nalazi u poslovnoj zoni, u kojoj, prema odredbi člana 14. Odluke o provođenju Plana, nije moguće obavljati djelatnosti koje ugrožavaju "prirodnu sredinu i okoliš". Ako se ima u vidu stav 3. člana 104. Zakona o zaštiti okoliša F BiH, kojim je propisano da su lokacije za postrojenja za spaljivanje otpada opasne po okoliš po svom karakteru, jasno je o kakvoj se djelatnosti radi, te nije postojao zakonski osnov za vođenje predmetnog postupka.

Uz to, kako ne postoji prostorno-planska pretpostavka, nije moguće izvršiti ni prenamjenu postojećeg pogona, što bi zahtijevalo izdavanje novih dozvola prema regulativi iz oblasti prostornog uređenja (urbanistička suglasnost, odobrenje za građenje).

Iz navedenih razloga, mišljenje ovog Ministarstva je, da su sve daljnje aktivnosti u konkretnom postupku potpuno nepotrebne, odnosno da je vođenje upravnog postupka izdavanja okolinske dozvole suprotno odredbama Zakona o zaštiti okoliša F BiH i Zakona o upravnom postupku F BiH.

Imajući u vidu gore navedeno, predlažemo da obustavite vođenje postupka, jer bi u suprotnom samo doprinijeli širenju opravdanog nezadovoljstva, ne samo građana mjesnog područja, nego i javnosti Kantona Sarajevo u cjelini.


S poštovanjem,


MINISTAR
Zlatko Petrpović, dipl.pravnik

Dostaviti:

- Naslovu
- Kabinetu Premijera Kantona Sarajevo (na znanje)
- Općinskom vijeću Ilidža (na znanje)
Butmirska 12
71210 Ilidža
- MZ Stup (na znanje)
Nikole Šopa 52A
71000 Sarajevo
- Kantonalna uprava za inspekcijske poslove
Inspektorat urbanističko-građevinske,
ekološke i komunalne inspekcije
Bulevar Meše Selimovića 12
71 000 Sarajevo.

⊖ Dokumentaciji
- a/a
Njirić



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



ZASTUPA OKOLIŠA

Datum: 13.12.2013

Potpis: _____

6256

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FEDERAL MINISTRY OF
ENVIRONMENT AND TOURISM

Broj: UPI 05 /2-23-11-96-8/13
Sarajevo, 09.12.2013. godine



Ministarstvo prostornog uređenje i zaštite okoliša
Ul. Reisa Dž. Čauševića 1
Sarajevo

Predmet: Zaključak o odbacivanju zahtjeva;

U prilogu akta dostavljamo Vam Zaključak o odbacivanju zahtjeva za izdavanja
okolinske dozvole, za izgradnju postrojenja za Eko Termički otpad ETIKI – 01 u Općini
Ilidža investitora Grizelj d.o.o. BiH Sarajevo.

MINISTRICA
Branka Đurić

Dostaviti

- Grizelj d.o.o. BiH Sarajevo, Ul. Nikole Šopa 48, 71279 Sarajevo, Stup
- Federalna uprava za inspekcijske poslove - okolinska inspekcija, Ul. Fehima Ef. Čurčića 6, 71000 Sarajevo
- Federalna uprava za inspekcijske poslove - građevinska inspekcija, Ul. Fehima Ef. Čurčića 6, 71000 Sarajevo
- Ministarstvo prostornog uređenje i zaštite okoliša, Ul. Reisa Dž. Čauševića 1, Sarajevo
- Sustav Katoličkih „Škola Za Europu“, KSC „Sv. Josip“ Sarajevo, ul. Mehmed – paše Sokolovića 11, Sarajevo
- Nadbiskupija Vrhbosanska – Sarajevo, RKT Župni ured Uznesenja BDM- Stup Ul. Nikole Šopa 50, Općina Ilidža, Sarajevo
- Gradsko Vijeće – Grad Sarajevo, Ul. Hamdije Kraševića 3, Sarajevo
- Udruženje Kulturno Društvo Stup II, Ul. Nikole Šopa 52 a, Općina Ilidža, Sarajevo
- Caritas Vrhbosanske Nadbiskupije, Ul. Nikole Šopa 50 a, Općina Ilidža, Sarajevo
- Ekotim Sarajevo, Grbavička 50, 71000 Sarajevo
- Mjesna zajednica STUP II ZBOR GRAĐANA, Općina Ilidža, Sarajevo
- Stručna služba za koordinaciju rada mjesnih zajednica, Butmirska cesta 12, Općina Ilidža, Sarajevo
- Koordinacioni odbor građana MZ STUP I, Ul. Hifići Bjelavca 44, Ilidža, Sarajevo
- Općinsko Vijeće – Ilidža, ul. Butmirska cesta 12, Općina Ilidža, Sarajevo
- Dokumentaciji
- Arhivi

Broj: UPI 05 /2-23-11-96-8/13
Sarajevo, 09.12.2013. godiene

Federalno ministarstvo okoliša i turizma, rješavajući po zahtjevu investitora Grizelj d.o.o. BiH Sarajevo za izdavanje okolinske dozvole izgradnju postrojenja za Eko Termički otpad ETIKI – 01 u Općini Ilidža, Sarajevo a na osnovu člana 67. i člana 218. Zakona o upravnom postupku ("Službene novine Federacije BiH", br. 2/98, 48/99), *d o n o s i*:

ZAKLJUČAK

Odbacuje se Zahtjev za izdavanje okolinske dozvole, investitora Grizelj d.o.o. BiH Sarajevo za izgradnju postrojenja za Eko Termički otpad ETIKI – 01 u Općini Ilidža, kao nepotpun.

Obrazloženje

Federalnom ministarstvu okoliša i turizma je dana 22.07.2013. godine investor Grizelj d.o.o. BiH Sarajevo podnio zahtjev za izdavanje okolinske dozvole za izgradnju postrojenja za Eko Termički otpad ETIKI – 01 u Općini Ilidža, ul. Nikole Šopa br.48., Ilidža, Sarajevo.

Uz zahtjev je dostavljena i Studija o procjeni utjecaja na okoliš i Plan upravljanja otpadom za pomenuti objekat na ocjenu. Studiju utjecaja na okoliš je izradila ovlaštena konsultantska firma Metalurški institut „Kemal Kapetanović“ iz Zenice.

Kako je propisano članovima 61. i 62. Zakonom o zaštiti okoliša. ("Službene novine Federacije BiH", broj. 33/03), zakazana je javna rasprava 04.09.2013. godine u prostorijama mjesne zajednice Stup 1, ulica Nikole Šopa 52, općina Ilidža, sa početkom u 11 sati, na koju su pozvane sve zainteresirane strane (Općina Ilidža, mjesne zajednice, nevladine organizacije). Na početku javne rasprave prisutni su upoznati da u roku od trideset dana mogu u pismenoj formi dostaviti svoje primjedbe, mišljenja i sugestije.

Do isteka navedenog roka pisamene primjedbe, mišljenja i sugestije dostavili su:

- Ministarstvo prostornog uređenje i zaštite okoliša Kantona Sarajevo
- Nadbiskupija Vrhbosanska – Sarajevo
- Sustav Katoličkih „Škola Za Europu“, KŠC „Sv. Josip“ Sarajevo
- Caritas Vrhbosanske Nadbiskupije
- Ekotim Sarajevo
- Mjesna zajednica STUP II
- Stručna služba za koordinaciju rada mjesnih zajednica
- Koordinacioni odbor građana MZ STUP I
- Općinsko Vijeće – Ilidža,
- Gradsko Vijeće – Grad Sarajevo
- Udruženje Kulturno Društvo Stup II

U skladu sa odredbama Aarhuske Konvencije, član 6. – učešće javnosti u odlučivanju u konkretnim aktivnostima, te člana 36. Zakona o zaštiti okoliša sve gore navedene stranke su bile uključene u donošenje konačne odluke.

Sve dostavljene primjedbe, mišljenja i sugestije zainteresirane javnosti bile su negativne i protiv izgradnje predmetne spalionice – postrojenja za Eko Termički otpad ETIKI – 01 u Općini Ilidža.

U skladu sa članom 59. Zakona o zaštiti okoliša („Službene novine Federacije BiH“, broj: 33/03 i 38/09), Rješenjem ministricе Federalnog ministarstva okoliša i turizma broj: UPI 05/2-23-11-96/13 od 02.09.2013. imenovana je Stručna komisija za ocjenu Studije o utjecaju na okoliš za postrojenje za Eko Termički otpad ETIKI – 01 u Općini Ilidža.

Stručna komisija je prilikom ocjene Studije utvrdila da predmetna Studija ne sadrži sve elemente predviđene važećim zakonom i podzakonskim aktima, te je zatražila dopunu predmetne Studije u roku od 30 dana, u skladu sa ocjenom i primjedbama Stručne komisije.

Dana 11.11.2013. godine Federalno ministarstvo okoliša i turizma dostavljena je dopuna Studiju o utjecaju na okoliš za izgradnju postrojenja za Eko Termički otpad ETIKI – 01 u Općini Ilidža, Sarajevo.

U sadržaju dopune Studije nedostajao je potpis i pečat ovlaštene konsultantske firme koja se nalazi na listi nosioca izrade Studije uticaja na okoliš. Stručna komisija je i pored uočenih nedostataka, izvršila uvid u dopunu i izvršila ocjenu iste, kojom prilikom je utvrđeno da dopuna Studije nije urađena u skladu sa ocjenom i primjedbama Stručne komisije.

Federalno ministarstvo je aktom broj: UPI 05/2-23-11-96-1/13 SS od 25.09.2013. godine zatražilo mišljenje Zavoda za planiranje razvoja Kantona Sarajevo o mogućnosti izgradnje predmetne spalionice na spornoj lokaciji.

Zavod za planiranje razvoja Kantona Sarajevo je svojim aktom broj: 09-06-23-6087/13 od 10.10.2013. godine dostavio konsultativno mišljenje u kome je navedeno da se postojeći radni kompleks preduzeća „Grizelj“ d.o.o. BiH Sarajevo nalazi u poslovnoj zoni, te da je u Odluci o provođenju navedene planske dokumentacije u članu 14. navedeno da se u poslovnim prostorima mogu obavljati sve djelatnosti koje ne ugrožavaju prirodnu sredinu i okoliš, koje ne remete korištenje susjednih objekata i sadržaja i koji se vrše u objektima izgrađenim u skladu sa važećim propisima u odnosu na djelatnost koja se u njima vrše.

Uvidom u Kartu Izmjena i dopuna regulacionih planova „Stari Stup“ i „Stup I“ uvrđeno je da izgradnja spalionice nije planirana na spornoj lokaciji. Kako investitor do navedenog roka nije dopunio Zahtjev u skladu sa članom 67.stav 2. Zakona o upravnom postupku, to je odlučeno kao u dispozitivu.

Protiv ovog zaključka ne može se izjaviti žalba, ali se može se pokrenuti upravni spor podnošenjem tužbe kod Kantonalnog suda u Sarajevu u roku od 30 dana od dana prijema rješenja. Tužba se podnosi u dva istovjetna primjerka i uz istu se prilaže ove rješenje u originalu ili ovjerenom prijepisu.

MINISTARICA

Branika Đurić

Dostaviti

- Grizelj d.o.o. BiH Sarajevo, Ul. Nikole Šopa 48, 71279 Sarajevo, Stup
- Federalna uprava za inspekcijske poslove - okolišna inspekcija, Ul. Fehima Ef. Čurčića 6, 71000 Sarajevo
- Federalna uprava za inspekcijske poslove - građevinska inspekcija, Ul. Fehima Ef. Čurčića 6, 71000 Sarajevo
- Ministarstvo prostornog uređenja i zaštite okoliša, Ul. Reisa Dž. Čauševića 1, Sarajevo
- Sustav Katoličkih „Škola Za Europu“, KSC „Sv. Josip“ Sarajevo, ul. Mehmed – paše Sokolovića 11, Sarajevo
- Nadbiskupija Vrhbosanska – Sarajevo, RKT Župni ured Uznesenja BDM- Stup Ul. Nikole Šopa 50, Općina Ilidža, Sarajevo
- Gradsko Vijeće – Grad Sarajevo, Ul. Hamdije Krešeljakovića 3, Sarajevo
- Udruženje Kulturno Društvo Stup II, Ul. Nikole Šopa 52 a, Općina Ilidža, Sarajevo
- Caritas Vrhbosanske Nadbiskupije, Ul. Nikole Šopa 50 a, Općina Ilidža, Sarajevo
- Ekotim Sarajevo, Grbavička 50, 71000 Sarajevo
- Mjesna zajednica STUP II ZBOR GRAĐANA, Općina Ilidža, Sarajevo
- Stručna služba za koordinaciju rada mjesnih zajednica, Butmirska cesta 12, Općina Ilidža, Sarajevo
- Koordinacioni odbor građana MZ STUP I, Ul. Hifzi Bjelavca 44, Ilidža, Sarajevo
- Općinsko Vijeće – Ilidža, ul. Butmirska cesta 12, Općina Ilidža, Sarajevo
- Dokumentaciji
- Arhivi